


福惠全書



				漢書門
一	二	三	四	
冊	架	函	號	類

庫文閣內

內閣文庫	
番號	漢 2421
冊數	12(·8)
函號	297 39

藏書  
共十二



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





福惠全書卷之二十

款犯


上。司。衙。門。密。訪。行。牌。坐。名。擄。拿。者。謂。之。訪。犯。不。論。人。民。公。舉。列。款。首。告。害。証。衆。多。者。謂。之。惡。犯。上。司。拿。訪。必。係。釘。封。凡。釘。封。文。書。不。可。嘗。開。拆。須。携。入。內。衙。寄。有。毋。使。走。漏。消息。視。所。擄。之。犯。其。係。賤。賤。素。惡。手。眼。甚。大。或。託。名。公。事。親自。擄。拿。其。次。成。委。衙。門。差。役。遠。近。行。拿。到。解。解。送。嚴。飭。官。役。不。許。需。索。分。文。及。騷。擾。地。方。又。視。其。家。家。之。資。嚴。應。看。守。家。屬。者。將。家。屬。人。口。報。名。記。單。或。取。具。保。或。

福惠全書

卷之二十 刑名部

一





著細田人等早晚小心防護毋致逸脫疎虞其本犯牢加  
 枷鎖添差具批起解俟有另文提解家屬或追比贓私須  
 將妻屬收監追比。○民人公舉惡犯須逐款喚問即宜差  
 委役立限密拿如有徇縱原差重處一面拘齊原告被証  
 逐款研訊贓真証確取供呈將惡犯大板痛責三十以快  
 人心而警餘黨惡犯收監書証取保然後申詳各憲俟批  
 審擬解報以便另行審理。○上司訪犯每有仇口播弄事  
 屬風聞實非巨惡且有良善而負以惡名者若經提拿或  
 平素確知其人再加密訪果係無辜如上司精明聽納不

妨先具稟婉白其誣近則親見面稟或上司收回提牌  
 未可知也否則解往上司知非大惡漸從寬釋不致如髮  
 指耻裂遽欲置之于死也此亦為民牧者處心仁厚知吾  
 民之負屈遂痛癢之不相關可乎

上司拿到訪犯或先有訪單或拿後召告若批發審理必  
 將訪單有名犯証該處提拿及召告原証一併批審上司  
 訪件不可遲緩審時逐款先喚害証將始末根由詳細問  
 明後喚訪犯亦逐款研訊如重罪之款不肯承招必須以  
 夾棍赫之彼既明眼光棍見事難終蔽何必枉受毒刑自



然實吐一欵供明。隨令本欵書証及本犯畫供令退再審。別欵未審之先須先立一供冊將發審文牌裝頭。後開各欵。每欵原告被告干証姓名分列。以便記取口供。毋致遺漏。其畫供單要長。以便逐欵畫供。庶不致人多環擠。堵下而欵項之頭緒亦清矣。除訪犯收監尾犯羈倉其餘應取保者取保。應寧家者寧家。候詳定奪。上司發審之犯。例有迎風板。然不可善用。刑貴恐本犯驚魂未定。輒白加刑。殞命甚為不便。只要逐欵審問無疑。逐欵問擬。以所犯之罪。引擬某律例。有律引律。有新例引新例。若律例皆無合

應比照某律務要允協。有無赦前赦後仍應分別所犯之罪。是年詔欵在赦方可援赦。或免罪或減等。須要看明欵內罪有重輕。除輕坐重。以駐入罪例。應計贓者以多者一上為重。餘不重料。出具看語。叙招定擬詳解。候上司親鞫。或審後先將本犯及害証等口供出一活看。申解候上司批發定擬。然後按欵擬罪具詳。更為慎重。如前批卽有究擬妥招字樣。便徑擬報無妨。但上司訪犯要看出司意旨何如。未審之先要請教口氣。以便遲速寬嚴。既審之後要請教口氣。以便輕重定擬。或上司始嚴而終寬。若急



爲據實定罪。雖欲從寬。反滋批駁。又費許多紙筆心思也。公舉惡犯。既奉上司批發。審擬其逐款。取供按律例定罪。有無在赦前後。亦如審鞫犯式。但惡犯係本州縣公舉申詳。與上司提拿訪犯不同。應刑誅之處。不妨動刑。應問擬之處。徑行問擬。不必先謂稟請意旨也。

地方果有元惡豪棍。聚結黨羽。肆行騙害。小民畏怯。不敢申控。而司牧素亦稔聞。因無人告發。不便徑拿。恐生物議。然訪其積惡多端。騙害有據。或因他事鳴公。或宜親自密拿。但不得使其逸脫。反受暗傷。所云縛虎不得不急者。此

類是也。官長自量才力。非可剪惡除奸。莫若置之。以俟盈貫。酌度可擒拿。定須拿候收監。由示召告。有告卽審。審實取供。大板當眾重責。被害聞之。呈告紛至。使積恨獲伸。于今日猶有遠巡畏足者乎。但大惡旣擒。斷難輕縱。審實通詳。須要具稟上臺。爲下邑窮民作主。殄此巨惡。以安良懦。否則縱兇出柙。貽害諸控告者。非淺鮮哉。○所告款內事。輕及雖重不實者。徑宜開豁。免致于連。提解往來受累。上司到任。有訪拿衙羸者。亦有平口風聞。坐名提拿者。均與本官體面有礙。然立心旣作好官。自不應容此羸役盤



跪衙門宜革逐之于早倘上司行牌各州縣一經造報則  
可具文申覆現在各役俱係平常供役從前並無過犯亦  
無年久積蠹盤踞衙門無憑造報須照來牌云申覆為  
妥。

地方每有匿名砌款指首某人必係仇家暗害例不准行  
但宜存狀密訪使知其人素行若果不良後必有人告發  
此亦其一証也說者謂宜密拿審究是又與例違斷斷不  
可。

夫上臺到任例拿訪犯以除民害而吳浙之間有等積年

巨蠹盤踞衙門專通上下線索勾連地方勢豪偵探官府  
短長胥役所行過蹟憑其喜怒牽陷良善取捕風捉影之  
事作裝頭換面之誣名曰造訪其省郡之地又有神奸大  
猾糾聚無賴勾連各州縣造訪之徒主于其家揀謀設計  
嚇詐橫行名曰窩訪其間大蠹聞風夤緣賄縱刪抹姓名  
名曰賣訪受人囑託硬砌無辜捕入款內名曰做訪改令  
奸黨四出招搖聲勢而有潛行買脫復又裝害他人名  
曰換訪列此人之款填局外之贓及質審當前即借此入  
之口翻供局外之人名曰借訪賍既未必皆真又復多捏



千証或稱過付助惡以致重尋株連破家蕩產又名曰乾  
訪總之此輩假造訪窩訪以嚇人而膽怯心虛者又以入  
訪被訪為烈禍不得不傾竭囊金彌縫恐後于是此輩高  
房大舍玉食錦衣宴飲酣歌恣橫無忌迨至訪犯身罹憲  
網而各衙門乃若輩輕車熟路反為經營打點攫利取財  
不致于鬻女賣妻而不已更可怪者從前裝訪之人盡為  
賄脫真蠹又皆賣放間有一二惡蹟著聞為上官廉訪者  
坐名取款彼即令本人自開款蹟以明中正契之物產虛  
填霸占強誣以親朋故舊之無辜妄捏証鄰被害上官庭

鞫之時方裂毗髮指恨不立除好惡及兩造喧呼錯愕未  
識所由曩若耻私毫無的據幾令怨積冤屯化作雪消水  
散是又以風憲臺司僅供尋棍之戲弄而已然此猶為訪  
拿之害也及其真蠹一經訪拿之後惡心愈猛惡焰愈熾  
自知法網難逃遂爾橫行放潑恣意嗾人將胸中所記溫  
飽之家及有耻睡小隙者至是遇空嚇詐信口株板以致  
遭官繫獄剖斷之下難分真是非審結之時惟有卸耻  
卸罪然而被扳者長途解審黑禁幽囚六問三推經年累  
月迨至水落石出而身家業已被蕩矣富戶小民畏如蕩



火但願糜其貪。堅免爲扳累。便爲萬幸。尚敢較錢財。論是非。故小民畏衙蠹。于既訪之後。甚于未訪之先者。此也。然衙蠹所以犯贓者。于豪雄得勢之時。恃寵專權。作威作福。借官府爲庇廕。剝百姓如魚肉。或經營倉糧。乘機乾沒。或司掌庫藏。恣意侵肥。或以乘行詞訟。生端婪詐。或倚腹心。緝索說事。指誣勢焰。驚人。權柄在手。莫不承望。風首加意趨瞻。迫一朝敗露。贓私何籍。按欵窮追。彼不思孽由己作。生計害人。非借名。變產卽托言補庫。捏稱誰爲欠債。誰爲分贓。假立虛契。田產告人。售買妄扳。平素仇隙。坐彼承

追問官祇以結件爲急。察眼辨白。枉証究之。判斷銀兩。何曾分文。交官仍是本犯肥己。于是擇有殷民。聲言單控。夥黨搖嚇。估量家私。飽欲方止。以贓贖作生涯。以囤圍爲壘。斷彼方安。坐團扉肥。酒大肉。而聽其扳告者。敲朴囚繫。追比之。傾家而殞命也。所以作惡之日。百姓受害。獲罪之日。又復株連。以致地方有訪。拿一番。加勅一道之謫。審問衙門。提解款証。分頭四出。雷索騷擾。無殊罪犯。不思上臺拿訪。不爲民除害。而反爲民害。百姓又何樂有此舉動耶。昔日巡方。專爲察吏安民。而設。故訪拿土豪衙蠹。載在勅書。



凡屬州縣無不騷然所以訪蠹之害惟巡方為甚兩浙直  
指王湯谷禁訪弊指示編之笠翁資政新書可考也。鴻并  
叅取述之以見當時受訪蠹之慘如此然今巡方已停而  
督撫蒞任亦間有行之者以事勢揆之巡方以一年之歲  
月巡歷一省之地方一切行宜不得不急迫以副職掌督  
撫為封疆彈壓大吏所有棍蠹何妨悉心體訪漸次捉拿  
被害必以招告者為可准贓罪必以審實者為可定款外  
不許妄扳一人追贓不許株累無辜拘喚被害止許取保  
候質不許擅行羈禁并差役需索一文至于該地方盤踞

高訪造訪奸徒密拿審實立斃杖下以為嚇騙金錢誣陷  
善良之戒如此則真蠹不致漏網小民獲以安生而奸猾  
亦不得掌握以成風矣

襍犯

侵占田產墳山

田產墳山有當日原買契為憑或年遠遺失則有鄰田  
鄰山之四至為憑如田地每遇編造某都某圖人田必開  
東西四至今有爭者何妨便驗此方至界係屬何人或木  
人之田或鄰人之田取圖冊一驗便知如墳山界址無踪



難以查看。且有奸徒窺他墳。尚有風水遂冒認已祖。移別處墓碑。埋立他墳。希圖占奪。然墳鄰有墳。有山。須問墳鄰。取伊當日買契。驗此方係某姓山墳。如鄰無山墳。業主須密拘近山居民。問每年是否某人某姓祭掃。其居民中是否某人某姓。托伊昭管。受其祭掃。牲酒銀錢。詳細研求。真偽自見。總要臨機取巧。如查驗田地圖冊。訴問墳鄰人。彼豈能預料及此。而先為買囑乎。田墳未明。不宜輕行踏勘。騷擾地方。宜令中証親族地鄰人等公勘。四至界址。從公處明回報。如不輸服。然後親身單騎。減從。秉公踏勘。即

從彼處究明。以定立界址。竟其後爭而一千人等。俱就便取供。免其往返多費。踏勘定期某日。不可臨時更改。使兩造多人。難于伺候。起馬之先。須發一牌曉諭。所有本州縣飲食俱係自備。並不費兩造一文。跟役人等亦不許需索。盤纏酒錢。如有不遵。許本人卽刻扭稟。重究不貸。如此原差地方。不得借端科斂。有玷清廉。○踏勘墳山。不得其平。遂有掘墓以驗其銘石。起棺以驗其殉葬之寶物。以為証。此斷斷不可輕舉。銘石猶在棺外。寶物則附及其身。豈有別無剖斷而自犯開棺見屍之咎乎。且暴露骸骨。大非仁



政冥冥之中鬼亦增其怨恫矣

婚姻

夫婚姻以媒妁為憑。亦有雖媒妁而實非媒妁者。以聘定為據。亦有雖聘定而實非聘定者。若皆執以為詞。吾恐爭端所自起。而伉儷亦終非佳偶矣。何也。所謂媒妁者。迎兩家之好。締秦晉之盟。往復致詞。非朝伊夕而後即事。何其慎也。所謂聘定者。先納徵之禮。陳羔幣之將。告以祖先會其親眷而後拜受。何其敬也。若夫樽俎宴飲之間。片言結好。傾盡投交之際。指腹聯姻。或以卮酒之獻酬。權為納采。

或以在坐之賓客。代作蹇脩。從此仕宦各天。升沉異路。及其男當冰泮之期。女值桃天之候。非男已孤貧。即女嬰陋疾。富者嫌貧而易毀。貧者則指為賴。婿男家惡醜而駁盟。女家則指為負諾。輿詞致訟。各持其說。殊不知皆父兄欠敬慎之過耳。試問媒妁。果有通好之人乎。聘定果有羔幣之將乎。百年大事。豈可以卮酒席賓而遂為之據也。諸如此類。湯以為召男女之當前。親訊其情。願與否。毋為面狗飾說。不願則竟與斷。離使無非耦。不終之歎。願則竟為斷。合以全遵。先不悔之心。但女富則當厚贈。其粧奩以資。



而見金書 卷之二十九  
培男義則當明正其親迎以安醜婦是在仁侯婉爲勸導  
之耳若夫媒妁有人聘定有物當其許字已成百歲之絲  
豈以陋貧遽失兩家之好並宜斷合以正人倫或謂所匹  
非宜終難偕老慮生他變將奈之何 鴻曰關雎爲風化之  
始夫婦居大道之端既以正名禮嚴從一又安可逆計其  
後而遽毀先王之定制哉愚論如此敢以質之 高明

債負

債負必以券約爲憑而往來之手札不足據也安知其會  
否見貸與既償而無証乎又必以親借親償爲信否則字

孫兄弟之屬爲代索也又安知其物償而券未繳與別立  
收約而人已無存乎更有執其故紙藉勢他人假立借約  
轉會取討是則張冠李戴請託代追而 賢司牧豈可爲  
人作刀砧耶若夫券約分明筆押有據計其取息已多自  
應減本歸結苟其本意俱道律有遠年倍還之條定例三  
分行息過此卽屬違禁計其餘息論贓入官擬以笞杖然  
而負者實貧力難歸結尤須婉勸借人量爲減免以留餘  
惠而資福善可也○每有客商載貨投牙其奸牙欺客真  
儒以所售之金非扯墊他帳卽侵欺人已使遠人羈絆異



鄉。本。虧。折。具。詞。鳴。控。務。必。勒。限。嚴。追。以。甦。商。累。庶。商。賈。感。悅。絡。繹。而。來。矣。

家產

父母亡故。兄弟未經分析者。律載子無論妾婢所生。俱得均分。宜命族黨尊長。鄉耆里老等。將所遺產業備造一冊。呈官照分。均派如造冊隱漏。即係受賄徇私。族長等並寃。若承繼嗣。按律嫡妻年五十以上無子。得立庶長子。若無出。先儘親房。無則許立遠房。以及同姓。不得乞養異姓之親子。及收養遺孤。已從本姓。又經執喪制去之。則恩難遽

絕。存之。又于律不符。其宗族必有起而爭之者矣。按律遺棄小兒三歲以下。雖異姓仍聽收養。即從本姓。但不得遂立為嗣。若義男女婿為所後之親。喜悅者聽相依倚。仍酌分給財產。是雖有異姓恩養。仍必依律立本宗為嗣。其財產未嘗不酌給以資生。亦恩義兩盡之道也。又有絕產豐厚。宗人利繼為嗣。誘其贅婦。不分踈近。託立賢能親愛。及其承嗣。本生父母假代理為名。暗行侵占。致族貧困無依。吞聲莫訴。為司牧者。又不可不預為之慮也。宜將嗣子喚至堂視。其果否賢能。何等親愛。并察其本父有無家



業素行良儼若情涉可疑宜令族長等公立繼嗣執照一  
紙官長批明日後不遵教訓不能孝順以及本生唆誘欺  
騙財產許所後鳴公另立應繼仍令歸宗令在事者書押  
官長用印付繼親收執況律有繼子不得干所後之親聽  
其告官別立之條乎若繼父尚在却自生子其家產與原  
立子均分其于義無可厚薄者也律又云若所養有親生  
子及本生父母無子欲還者聽以本生之後不可終絕也  
然律無仍與財產之文以身既歸宗義不得與所生共分  
其有也今每有歸宗而亦爭受分豈義之正乎或恩愛所

鍾歸非獲已亦聽繼父母推子之可耳

以上戶婚田債民訟所常有者故畧備芻蕘至于私賭  
賭博之屬具詳庶政部茲不再及

### 反叛

反叛賊之大者也何以律載盜賊之首而是編列居雜理  
之後然律之首載者乃罪重惡極特嚴亂臣賊子之誅是  
編後列者乃國泰民安自無斬木倒戈之釁今附之于篇  
聊備觀覽猶藥籠中之烏吻豈倉公扁鵲之所樂用哉于  
以後之抑以示永不用之意云爾



謀反大逆

謀反者不利于國謀危社稷之謂也大逆者不利于君謀  
毀宗廟山陵宮闕之謂也按律其謀者不分首從已未皆  
凌遲處死正犯祖父父子孫兄弟及同居之人不分異姓  
及期親伯叔父兄弟之子年十六以上不論老疾皆斬夫  
祖父父子孫兄弟五族也而不及祖母夫同居即各異者  
亦是不分異姓即外祖父妻父女婿皆是及期親但叔等  
亦不限已未析居皆坐而不及其孫其古人遺律亦必有  
誣乎律中凌遲處死為共謀之正犯而言其論斬者則皆

連坐之人也正犯連坐相去殊別遇此大案最要詳慎否  
則不惟斬易凌遲而正犯之祖母及連坐期親之孫俱在  
首領不保中矣男十五以下及正犯之母女妻妾姊妹若  
子之妻妾給付功臣之家為奴而不及子之女正犯財產  
入官而連坐之財產不與也若女許嫁已定歸其夫  
則已嫁者不問可知也女許嫁不連坐始于魏子孫過房  
與人及聘妻未成者俱不追坐亦指正犯而言正犯不坐  
其餘又可知也子孫過房女已許嫁不坐則子孫之已為  
僧道女之以為尼亦皆在所不問矣玩律並無累及奴僕

刑部全書卷之二十一刑名詳  
古



之文。即同居異姓律註甚明。亦無双僕字樣。或奴僕非係知情。亦得免于事外乎。當事尤宜加慎。母以為犯屬家口。而一槩撫入也。

謀叛

謀叛者。謀背本國。潛從他國之謂也。按律但其謀者不分首從。皆斬。已未行皆是也。妻妾子女。給付功臣之家為奴。此言斬無凌遲之罪矣。此言妻妾子女為奴。止及本身而子之妻妾不與也。姊妹不坐。謂在室之姊妹。若許嫁已定。在反律之條。已不連坐矣。父母祖孫兄弟。不限分居同居。

皆流二千里。安置。餘俱不坐。蓋又承上謀反內所坐之同。君異姓期親而言。明其不在所坐之條矣。財產入官。亦止言共謀者其餘。即謀反亦不入官矣。夫謀反者。敢于稱兵抗敵而來。謀叛者止于背國離心而去。其罪之輕重。固有間也。故制法亦輕重不同。當事處此反叛二字。最要分明。否則出此入彼。其枉傷多命。冤陷多家。咎將安歸乎。

首告

反叛律重隱首之條。凡謀反知情。故縱隱藏者。斬。捕獲正犯者。授之官。仍將財產全結充賞。知而首告。官為捕獲。止。



給財產不首者不分已未行杖一百流三千里未行親屬  
告捕到官正犯與緣坐人俱同自首免已行惟正犯不免  
餘免非親屬首捕雖未行仍依律坐凡謀叛知情故縱隱  
藏者絞與謀反縱隱者斬有分矣告捕者將財產全給充  
賞亦指正犯財產而言也知已行不首杖一百流三千里  
知未行而不首杖一百徒三年與不首謀反者之已行未  
行皆杖流不同矣若謀而未行為首者絞為從者杖流其  
亦指為人所首而言也為首者絞則家口不為奴財產不  
入官可知矣律又云告捕者犯人財產充賞則謀而未行

有人告捕財產不入官亦將充賞耶其首告之人有共謀  
知情者有在謀之之親屬者有傷人告捕者其賞否似未  
可以一槩論也附及之以 質高明

拿審

凡首告謀反之人喚入密室屏去左右先取首狀看但恐  
鄉人不諳反叛律意統言謀反再訊其口供伊係謀反者  
何人謀反何人起意倡首何以同謀所供為首同謀之人  
是何年貌籍貫在何處商謀亦無黨羽而無器械人馬有  
無散給偽劄約于何日何時在集處起手若謀反已行又

首  
人



問爲首何人曾否稱王有無年號爲從何人曾否設有官爵印信人馬屯在何處曾否殺人搶掠鄉村若首謀叛問與何處相通有何奸細往來是何月日是何姓名有無書札來人與書是否親見今現在何處還有何人見証若未見來人與書札却又如何知道一一問明須令寫立如虛甘坐認狀將首人寄監或看守如謀反未行宜各差的役逐名密拿首犯同謀到官所供與首人同及年貌俱對逐名弔審對質無異立取器械並追偽劄其餘夥黨酌量拿究若樵夫牧子之流不必窮治如謀反已行必先使人密

探果有盤踞山谷屯聚莊村實跡須酌量賊黨衆多賊勢強弱寡弱易制則率領壯快協同防營密計擒捕衆強難敵則飛報就近上司速調營官帶兵協剿但不得張皇徧報多發官兵騷擾地方後來難于收拾若審無稱王設官授劄等情止有混名綽號當以盜論未可遽稱謀反此處大宜斟酌如首叛先密拿叛人并窩藏奸細立取書札果有實據方可申報若奸細書札俱無又無傷人見証止憑首口尤宜拘集叛人族屬鄉甲地方人等細訊素日爲人平時踪跡所通之處是否親朋若衆皆願保無他或密稟



上。司。准。與。保。候。查。奪。其。首。人。必。係。仇。誣。律。當。反。坐。但。念。鄉。愚。無。知。重。懲。枷。示。發。落。以。免。具。題。若。本。官。素。有。擔。當。此。等。審。果。虛。情。徑。行。保。釋。仍。令。首。人。自。立。無。知。妄。首。懇。求。寬。恕。認。狀。或。族。屬。鄉。地。哀。憐。公。保。將。首。人。重。懲。免。其。反。坐。申。究。總。之。地。方。有。此。卽。非。地。方。之。福。亦。非。地。方。官。之。福。要。在。平。日。保。甲。稍。查。宜。嚴。臨。事。偵。探。宜。確。擒。拿。宜。速。審。訊。宜。詳。細。請。罪。宜。酌。量。申。報。宜。慎。重。惟。期。罪。之。可。輕。者。不。宜。入。重。人。犯。可。少。者。不。宜。累。多。事。可。消。弭。者。不。宜。樂。有。而。已。每。見。一。二。奸。邪。妄。似。妖。術。惑。人。鼓。動。無。賴。汝。爲。某。文。汝。爲。某。武。鄉。

愚。罔。知。利。害。輒。聚。合。成。羣。搗。竿。立。幟。以。爲。嬉。戲。而。有。司。張。皇。遽。視。反。叛。徧。報。上。臺。上。臺。據。報。一。面。發。兵。戡。捕。一。面。繕。疏。奏。聞。擒。殺。不。過。數。人。報。勦。已。逾。于。百。兵。馬。所。過。雞。犬。無。寧。况。鄰。賊。近。地。何。良。民。之。不。洗。戮。爲。賊。黨。乎。至。于。地。方。官。有。防。範。不。早。之。處。分。上。司。有。覺。察。不。先。之。察。罰。若。使。探。知。情。實。不。過。鄉。愚。多。事。密。稟。上。司。一。臆。識。州。縣。官。制。之。有。餘。其。深。橫。殺。之。餘。懲。釋。之。詎。不。泯。然。無。跡。安。良。省。事。之。爲。美。故。至。于。私。通。逆。黨。或。仇。人。因。之。而。報。怨。或。匪。類。因。之。而。挾。詐。經。行。首。告。及。捕。而。訊。之。首。者。出。其。偽。札。爲。証。安。能。招。致。



正德全書 卷之二十一 刑部  
彼國之人而質其真偽乎。上司以叛案爲重遂爾具體部  
議以叛黨可惡豈容輕釋而共人之身合家口已化爲青  
燐野蝶矣。知此類者或審有仇詐情由私書是假直密稟  
上司立殄首人以全無辜不亦可乎。再有從反逆之家籍  
沒財產檢出姓名錄冊非有印文奸詭書函未通字諱悉  
宜密付內丁其保全者衆多陰攻所積不小矣。

籍沒家產

拿獲反叛之時即將家屬者落鄉甲地隣看守不許私縱  
逃逸審鞫反叛有據卽問其家口男女若干人同居若干

人有無異姓同居有無家屬出外其莽親若干人止宜問  
明另記莫入口供恐後難于抹去按律只坐正犯家屬但  
犯未審明難定正從自宜一體看守待審明之後止查守  
正犯家屬其餘卽行保釋毋得久羈按謀反律應斬者不  
及正犯之祖母男年始十六以上其十六以下自在免坐  
之數矣爲奴亦係正犯及子家屬不及子之女男亦始于  
十五其許嫁過房在聘者俱不坐謀叛止坐妻妾子女爲  
奴止坐父母祖孫兄弟流罪餘俱不問但新例甚嚴又  
宜查例未敢執律爲論其可以爲之寬恤而于已無害者







覆候上文定奪

逆產變賣

襍物變賣例著官牙估值發賣勒限完價交官其房屋著落該牙行總甲地方召買田產著落該圖里鄰召買但估報之價不可太昂然亦不可照本犯原契之數蓋年有遠近物有時值急難出脫是自貽其累矣卽憲部駁增亦以地瘠民貧難以加價強售爲詞俟部議已定仍出示曉諭開明估價情願買者當官具呈批准上價並不價外增溢分毫官給印硃票照卽時管業如無願買田產著圖里長確報殷實認買或一人承業或數人分受悉聽其便但不許借端勒買混行閒報挾詐銀錢以滋擾害如開報無力及賄縱殷戶定行重懲追贓庶奸里等知儆而官物易于出警矣

贓私

犯贓律例多條而正贓惟六刑書中所謂六贓是也其餘以准諸款附入者也風憲邊海分出者也衙役犯贓以至過付引送凡因贓入罪者皆必定所犯本贓是何色目然後依律擬斷按數給沒其中又要分別人之有祿無祿與



刑部律例卷之二十一  
三  
贓之當併當計方能定擬

釋六贓

一曰監守盜。監者，監臨，謂經管之人也。守者，主守，謂經收之人也。凡經管經收及臨時差遣管領提調人員並佐貳首領官同署文案者，私用所收所管之物，皆是監守盜。

如庫子收頭糧長經收錢糧，侵欺借貸，俱爲主守盜。如監放應給月俸銀米布絹并賞給等項，尚未給與有侵剋者，俱引掌守在官財物條內。官物當給律如已給散

軍人而科取入已則引因公科斂軍人錢糧賞賜律如通番賭博及違禁貨物與應入官之贓物，侵匿者俱引收掌在官財物條內私物當供官用守掌侵欺律。

按本律監守自盜倉庫錢糧等物，不分首從并贓論罪。

如十人節次共盜四十兩，各分四兩八已，通算作一處。

十人各得四十兩之罪，皆斬。係禱犯若十人共盜五兩，皆

杖一百之類。三犯者真絞並刺字首從皆是也。○一兩

以下杖八十，以下者自兩以至于分也。此監守盜最重

較常盜加一等，較竊盜則加二等矣。一兩之上至二兩



五錢杖九十之上者。出于一兩之外。卽坐重其法。所以慎微。凜人于不敢犯也。以下俱二兩五錢。遞加至二十五兩以下。五兩加至三十兩以下。十兩加至四十兩。斬。雜犯徒五年。自四十九兩九錢皆是。若滿五十兩。又不以此律也。○康熙十年間。部題嗣後侵盜錢糧八已數滿三百兩。擬斬不及三百兩。照監守自盜擬罪。○一倉庫若宣大等。並沿邊沿海。有監守盜糧草。值銀二十兩以上。常人四十兩以上。俱發邊衛永遠充軍。在京各衙門及漕運並京通六倉。有監守盜糧草。錢糧帛等。值銀

三十兩以上。常人六十兩以上。亦照前擬充軍。其餘腹裏有監守盜值銀五十兩以上。常人一百兩以上。亦照前擬充軍。以上俱依律。並賍論罪。仍各計入已之賍數。滿方照前擬斷。不及數者。照常發落。照監守律科斷也。○又沿邊海侵盜銀糧二百兩以上。漕運錢糧三百兩。糧六百石以上。俱照本律。仍作真犯死罪。係監守盜。斬。常人盜絞。奏請定奪。○凡稱以監守盜論者。無入已之賍。雖百兩止。科其罪。不得引例充軍。

一曰常人盜原係官物。非監臨主守之人。取受侵欺借貸。



元正全書 卷之二十一  
及擅取官造什物珠池內珠官山內樹木皆是不必專于偷盜也。○若盜庫內給主之贓物雖非官用亦係盜官物。○犯盜官物盜時不知是官物止依竊盜已行得財律。○支取軍人錢糧軍人現在者爲冒支軍人逃故者卽爲盜官物。易買軍人支糧票帖下倉支領係出財貨買止問不應。○監守常人盜出官物被職役應捕人等搜得受賄不告問受財枉法無職役非應捕人止問知盜後分贓。○監守人通同常人盜取各照本條論。○同監守之人搜出監守所盜之物而分之以監守之人。

詐取所守之物論

按律常人盜倉庫錢糧等物不得財杖六十但得財不分首從併贓論罪刺字所謂常人非但軍民卽在官人役而不係監守亦是。○一兩以下杖七十一兩至五兩杖八十以下俱五兩遞加自杖七十科罪始者較監守減一等矣。夫同一盜倉庫而減等者所以重監守也。同一竊盜而加一等者所以重倉庫也。盜倉庫須自倉庫盜出方坐夫贓至五兩始加一等者非獨寬于常人正所以甚監守之罪案耳。罪既減等則贓必至倍而後坐。



倘仍以二兩五錢為加等是減而仍未減也。加則倍加減亦必倍減。所謂犯罪得累減也。觀常人之減等以倍愈知監守之罪愈嚴矣。○賊至八十兩絞。係雜犯康熙十年七月部覆科臣姚題常人盜四十五兩五十兩五十五兩總徒四年。○其監守直宿之人以不覺察科罪。

律條例監守常人盜至二十兩以上限一個月二百兩以上限三個月。果能盡數通完。照本律發落。真犯死罪者減等免死充軍。充軍以下如過期不完各依本律俱減一等

例從重定擬。夫照贓數之多寡限以時日之久近。果能盡數通完。既不致倉庫之有虧。開加派之漸。更不累同。舉之追賠。免株連之苦。出于本盜固有悔心之萌。印出之親屬亦見急難之誼。槩減一等者。所以開自新之路。而引人于好義之地。仁之至也。○照本律發落者。以明其不照例也。如監守盜邊海銀二十兩。例當承戍。今能一月通完。仍照監守本律杖一百。流三千里也。又查鑿釋內于盡數通完下有例該承戍者五字。分別律與例更明白。



曰枉法。賍受人財物而為之曲法是也。各主通算全科。  
分有祿無祿人。凡支月俸一石以上為有祿不及一石為無祿。○如地方中盜賊被總甲里長獲住得財放免則本里者問枉法別里者問恐嚇以別里非所管地方也。○凡應管職役雖係恐嚇得財而有枉縱者皆問枉法。○凡受財者得枉法之罪則與者問行來過財之人問說事其餘各賍過錢人俱止不應。

無祿人減一等。如不枉法賍一百二十兩減一等杖一百流二千五百里。非是三流同為一減也。

按律有祿人枉法賍一兩以下杖七十一兩至五兩杖八十以五兩遞加八十兩真絞。箋釋係祿犯凡無祿人之罪比有祿人俱減一等。如無祿人枉法賍一兩以下止杖六十不枉法賍一兩以下止管七十餘可類推。○如無

祿人枉法。扶同聽行及故縱之類一百二十兩絞。箋釋係祿犯

一曰不枉法賍受人財物不曾違法是也。亦有有祿無祿之分。各主通算折半科罪。如一人得十人得十人係一主者不折如十人得一人之財各計入已之賍論不可分首從又或未分受則并擬之

按律一兩以下杖六十無祿人照此減一等一兩之上





至一十兩杖七十以十兩遞加一百二十兩以上真絞  
律載真字以見○又律無祿人不枉法一百二十兩罪  
舊律裸犯上始  
止杖一百流三千里若因公科斂入已律雖稱以枉法  
者與接受之贓不同即至滿數亦宜引行止例蓋實無  
枉之事也

一曰竊盜贓潛形隱面盜入財物無分白日與黑夜皆是  
或剽人衣囊而取財物則為掏摸罪等竊盜各分窩主  
造意行而不分贓分贓而不行律例引擬若強盜得財  
乃屬劫殺不待以贓為斷也○竊盜等犯皆刺字若先

犯竊盜右臂已刺又犯掏摸右臂再刺不得刺左必重  
犯竊方換刺左也諸贓應刺字者皆如此

一曰坐贓除正條之外如新任新役受所部所屬拜見銀  
兩及諸色人員無故受人餽送如受傷醫藥之外偷損  
財物賠償之外多有所取或因公科斂贓非八已或造  
坐虛費皆是也其送受土宜者勿論共主通算折半科  
罪○若取而受者不分財物土宜俱為求索矣

按律凡官吏人等非因枉法不事而受之財坐贓致罪  
各主者通算折半科罪與者減五等○官吏坐贓若不





八已者擬還職役。○舊例有一主全科之誣今見行事  
例一槩折半科罪。○新官到任受里長拜見以此條科  
若是里長自行科來者依因公科斂人財物餽送  
按律坐贓一兩以下笞二十一兩至十兩笞三十每十  
兩加一等四十兩杖六十八十兩折四十兩應杖六十  
○因公科斂條內贓重者坐贓。○自科斂至八十兩之  
上方照坐贓致罪擬斷。八十兩杖一百止加二十兩  
入徒每一百兩加一等至五百兩罪止杖二百徒三年  
以坐贓非實贓也

引律科斷訣

六贓監守共常人盜取官家米物銀。枉法竊盜不枉法  
坐贓科罪重分輕  
監守兩下杖八十二兩五錢各遞增二十兩流二千里  
四十襍犯實非真  
常人兩下杖七十五兩一等遞相加五十五兩。五千里  
八十雜絞罪無差  
枉法起算照常人。俱于有祿絞為真。若為無祿通從減  
百二纜科真絞刑。



竊盜得財杖六十。每逢十兩遞加增。賊盈百兩三千里。以上三犯俱絞真。

不枉法。賊如竊盜。爲因有祿。成同調。若爲無祿。不其然。罪止于流。無死道。

坐贓兩下。笞二十。每逢十兩遞加之。一百兩外以百論。罪止于徒。當得知。

審犯贓人。犯有証者。必盡數審出。然亦照所供而止。不必多方羅織。贓雖解上。而追則仍著地方官。若本犯不能完。未免株及親屬。致案難清結。引送之人。見付過付情罪。

懸遠。見付者。彼詐此情已定。但付財之時。在彼看見局中。局外罪可出入。若過付則身于此。中說合線索。實在其手。罪有重于受贓之人者。不可不別也。若非說合。卽曾經手。亦當入以見付字樣。以開一面。過付人。雖有應得之贓。亦要問其有無入已。使訟之有路。

本犯贓難盡完。有將不堪房屋。高價告買者。遠年不明債。負。開報追償者。官長推和完贓。因與拘買。催追告彼人。私與銀錢。彼又另告他人。承買另報。借人子弟代償。展轉詐騙。究假公事。以濟私肥。諸如此者。不宜輕准。房產著官牙。



福惠全書 卷之二十一  
家屬從時估值。召主承買。債負須親筆券。押應與歸償者。方准著原中等酌處清還。否則受害不甘。赴上司告理。有損才各。○凡贓私審定。申詳批追者。須令該承另置一簿。立限比較。或陸續完結。一一填註。若奉催提。將已追完數目報明。俟全追具批。一併起解。獲批存案。以免拖沓之愆。凡衙役被人呈告。批發別處。審有贓私。本官卽有失察之處。分若係前任。于今任無法。若係本任。須查于事先責。革立案。以便轉旋。若係差票索詐。少則指爲飯食驢腳之資。猶可開釋。多則于本官大不便矣。故每勾攝公事。無論事之大小。凡于投到時。必令具原差有無需索結狀。無則存案。有則重處。追革庶免事後之累。

福惠全書卷之二十終

福惠全書 卷之二十一 刑名部



福惠全書卷之二十一

保甲部

總論

夫保甲之設所以弭盜逃而嚴好死法至善也惟行之者不得其要日視為具文而又紛紛焉日見其奉令之擾究無其取效之實遂以保甲為厲民之具而弛之其不與因噎而廢食者等乎所謂保甲者有古寓兵於農之意焉有古軍旅卒伍之用焉有古比閭師奪之制焉古者守令皆得主兵以率戰今之州邑惟快壯數人供奔走而已若倣

福惠全書 卷之二十一 保甲部



井田出甲卒之遺法。以遴選鄉壯而訓練之。使知義勇而樂戰。夫非寓兵於農之意乎。古者萬二千五百人為軍。將皆命卿。二千五百人為師。帥皆眾大夫。五百人為旅。帥皆下大夫。百人為卒。卒有長。皆上士。二十五人為兩。兩司馬皆中士。五人為伍。伍有長。今保甲之法。十家有長。曰甲長。百家有長。曰保正。一鄉有長。曰保長。以次相統。屬而行。稽察之政。焉至于壯丁無事則暇。日以教練。有事則聞。倣以救援。皆保甲長相率而趨。夫非古軍旅卒伍之用乎。然而甲保長類多報充。詎堪勝任。必親加選拔。以足馭眾而急。

公視才之大小以為用。是又將用命。卿師旅用大夫。卒伍用士。中士之意也。古者比閭之制。德行相規。患難相卹。死喪相賙。師胥之制。有故則設備。有盜賊則追捕。有好宄則互相稽務。令比戶有可封之俗。室家享康阜之娛。今保甲之法。設為保長壯丁。分布城鄉。聯絡村舍。平時修防講備。臨事協力救禦。至于保里之中。有德善孝弟。則舉而旌之。有無良匪類。則舉而懲之。以及子弟訓之。謙和而好禮。父老勤其推卹。而好義一里。如是。各里如一鄉。如是。四鄉如是。有不雍雍。然同古政行俗美之世哉。夫所謂保甲之





害者如王荆公抽民兵以遠事征伐妨農稼以簡閱戎伍使百姓重裝餼糧而自傷死亡窮困而莫哀是其所以爲害也所謂保甲之利者如王文成公之撫贛命州邑設保甲以綜理一鄉立甲長以稽查十戶清排門使奸宄之無可藏選壯丁使防禦之有足恃是其所以爲利也推原其故荆公驅民以爲兵以之遠戰于邊隅文成簡壯以爲民以之近守其閭里其利害之相去倍徙不較然乎今州邑之修舉保甲能毋視爲具文誠得其要而行之夫誥奸不出于其家防護不出于其村禦侮不出于其里是一家一

村一里之民各自爲衛也卽其近家之人而爲之甲長卽其近村之人而爲之保正卽其木里之人而爲之保長是甲長保正諸人皆所熟識也其甲保長等又必選擇而任之是其人必皆老成奉法者也至于傳集徵召不用公差查報拘催不煩牌票而悉聽保甲之自爲承稟百姓夔終歲之安官司無一文之費若是行之者既有其實效奉之者亦無其煩擾由一邑而推之一省由一省而推之天下誠弭盜戢奸之善政也又安見其爲勵民而可廢之哉

選保甲長



夫保甲之安擾視乎其法保甲之興廢視乎其人蓋法之不善有擾而無安人之不得名存而實亡謂保甲之無益于民也固宜惟夫法有定而用法無定人無難而得人爲難則保甲長之選可不慎乎夫十家之奸宄盜逃惟甲長是稽百家之奸宄盜逃惟保正是問一鄉之奸宄盜逃惟保長是綜苟非其人則十家之衆不服其稽百家之十甲長不服其問一鄉之保正不服其綜則雖奸宄盜逃日縱橫于十家百家一鄉之間寧復有所忌憚耶故欲保甲之實行有效非保甲長等之得其人未見其可也所謂保長

者邑分四鄉鄉立一長謂之保長不曰鄉而曰保者以鄉別有長所以管攝錢穀諸事而保長乃專司盜逃奸宄不與乎其他者也舊例卽以鄉長而兼保事其責任不備而才非所用蓋鄉長取乎年高有德而素行服人者充之保長取乎年力精健才猷邁衆者充之故所用不同而責任亦異未可兼理也所謂保正者以之統率十甲長并甲中伍壯亦必擇其才力精健才智過人者充之至于十家長舊例卽以第十一家爲甲長或十家輪充夫甲長之設蓋爲稽查十家之盜逃奸宄非以備數而已若耑主之家輪



充之衆類多愚頑老疾鰥寡貧窶之人將責之抱十家之  
牌朝稽而久詰耶故必于十一家之內擇其殷實老成有  
子弟者充之非有故不更蓋殷實老成則廉隅自飭揮指  
聽從有子弟則助理有人勿致悞事而甲務可舉矣其選  
擇之法先擇保長而保正十家長須于編甲之後始可選  
選宜先出選舉保長告示而曉以轄統保正稽查盜逃奸  
宄之專司并待以破格優異之殊禮使人知責有所歸卽  
可免里逃奔走瑣屑之煩禮有所加自不同約地奴隸呵  
辱之賤而有品自重有才欲試者亦踴躍而樂干從事矣

須令各鄉約總地及莊鎮長等務須詳慎選擇家道殷實  
年力精健才猷邁衆素行可稱者合詞公舉每鄉擬正陪  
二人報縣以憑本縣親選鄉地等不得隱蔽賢能徇私妄  
舉查出重究既報之後縣官再行細訪所報果屬俱賢並  
無隱蔽方票行鄉地將公舉賢能保長某某等起送到縣  
俟其到時不坐大堂于川堂引見免其跪叩觀其狀貌不  
類庸常聽其應對頗有識見看其年力果屬精健驗其服  
飾實居殷厚便爲點記隨待以霽顏溫語另期以禮任事  
令退俟四鄉公舉已畢內中每鄉選任一人餘一人記名



候用其選任者至期官陞大堂先備燒金銀花紅綢酒榼鼓樂命約地等伴領新保長由東角門進至滴水簷下排立鼓吹舉樂陰陽生爲之簪花披紅縣官起立新保長先行庭參後四叩縣官出案傍答揖禮畢陰陽生執壺把盞捧榼縣官親爲遞酒斟三巡畢新保長稱謝免行禮鼓樂前導由中門而出印給優免夫差票城廂保長共一人合之四鄉共五人其舉選優禮亦如之與四鄉保長同日委任每保長給與某縣某鄉保長某人鈐記一枚凡有公務許印封申送鈐記詳後朔望其結條至于編保之事俱保長專任而

城廂約地及鎮集村長莊頭各爲兼理焉其大鎮集巨村等長亦必擇殷實才能素有體面之人爲之仍著本村鎮人民公舉其禮遇較保長少殺不行庭參于滴水簷叩首而仍給以花紅優免票鼓樂導中門出其小莊莊頭不及百家者雖亦本莊居民公舉殷實老成曉事者充之俟任事有功之日再行獎異而初無所加禮焉蓋禮別以殺而愈崇恩施以功而益勸也保甲旣編而後擇十家之長百家之保正其保正選擇之初著保長協同村鎮長莊頭嚴加選舉年力精健才智過人者報縣俟親驗堪膺其見禮





與花紅優免鼓樂導出與村鎮長同蓋保正爲保長分任而鎮村諸長亦與保正之責相表裏俾之協舉共事彼自不肯容匪劣而自貽悞矣

### 保甲之制

一鄉之中大而鎮集小而莊村或千家數百家以及數千家俱按各街巷之橫直長短單面街挨編合面街對編自第一家至十一家內以一家擇爲十家長以統十家爲一甲自第一甲至十甲爲一百一十一家內以十家爲十家長以一家擇爲保正以統十家長并十甲分之百家爲

一保自第一保起每保總以百家爲率如此莊編保之外尙有畸零甲分謂之畸零甲卽附統于末保之保正如八戶不足一甲謂之畸零戶卽附統于末甲之十家長其莊村不及百家者附近有一二十家或十餘家之小村准其附入以足一保謂之合保如村外獨戶令其移住大莊以便照管其爲遠孤村不過數家力又難遷卽于數家中擇一年力精壯省事者爲莊頭本莊稽查逃盜奸宄之事一以委之謂之畸零莊而于附近之保正兼統之其菴觀寺院如在本甲開于甲尾以不入丁差不便列于十戶之數



也。其僧尼道士若干名。仍照民戶開報。以便稽查。其法總以一鄉之人戶盡編為限。不得遺漏一家。每家門懸一牌。謂之門牌。上書本戶姓名。男婦生理及同居某人男婦生理亦如之。門牌式附後。十家長門懸一牌。謂之十家牌。上書本戶姓名。男婦生理及同居如前後並列。所統之十家姓名男婦等如前。以便日夕省覽稽查。十家牌附後。其烟戶十家門牌各保正彙齊送保長查明呈縣印發。十家長門前各置一木架上。列長鎗馬刀八杆。三眼銃一杆。以備倉卒之用。蘇搭火鈎各一杆。以備火燭之虞。其器械俱要鮮明堅利。

銃要火藥硝繩齊備。蘇搭要多。蘇紫緊火鈎要長杆厚鐵。為之不可視為故套。本縣于查勘保甲時。逐一點驗。如門牌不具什物。不堪十家長保正一併重究。○其在城及城外關廂。一統于四鄉保長。而統于城廂保長。其在城自十字街分為東西南北四城。亦以十家為甲。一家為十家長。合百家統于十家長。而十家長統于保正。所有畸零戶即附統于臨末之十家長。畸零甲即附統于臨末之保正。亦如四鄉。其四關廂自東南西北之四城門始分編保甲。亦如在城。其城廂選擇十家長保正并懸門牌置械架。



逐日稽查及朔望具結之事亦如何鄉凡十家長保正長俱選之庶民不及青衿衙役以青衿有妨肄業衙役善作奸也其鄉紳舉貢監文武生員在本甲居住者不必編入十家之內以便懸門牌令十甲長稽查惟將一戶係某鄉紳某舉貢監衿開明姓諱籍貫官職附編本甲十家之後城鄉俱同其城廂庵觀寺院以及僧尼道士開于甲尾亦與四鄉同如是人戶有所統不致散漫而無稽城鄉各為編不致雜亂而難理舉合州邑之戶籍人民罔不在是無有遺漏矣

煙戶甲長門牌式附

煙戶門牌式

用梨木板將前示諭并後年月一行保長等一定字樣刊刻端楷用堅白棉紙

印刷明白照格將本戶同居丁口填註整齊該甲保查對無差彙送印發







### 甲長十家門牌

甲長十家門牌式

一戶本甲十家長某人照烟戶開  
 二戶某人某生理 本戶婦孺若干名 幼男若干名  
 三戶某人  
 四戶某人  
 五戶某人  
 六戶某人  
 七戶某人  
 八戶某人  
 九戶某人  
 十戶某人  
 某年某月

前示同烟戶門牌  
 本甲若干住持某僧  
 共若干名  
 某觀 某道  
 共若干名  
 某庵 某尼姑  
 共若干名  
 本甲如有鄉紳社監  
 等開堂之家之後應  
 觀僧道之前

如戶內有住長若干手足  
標過有查理以便執照照點

此係牌面文

### 甲長條約

保甲十家長條約  
 一甲長管束稽查十家人戶每日長尚且稽簿向各戶稽查本且有無前項地犯或  
 男子夜出未歸或而生怨宿留宿放查明確存查如係屬報者即益重罪以  
 憑拿究通同容隱併罪  
 一官樹賊盜巡更伏路入大爾爾長此保等公同撥派如人夫不知法遵行有擅離  
 時刻偷安慢事者許即嚴查究通同容隱併罪  
 一木莊有警備長即率伍壯指禦鄰莊有警亦如之倘有遲緩慢事及不到者併究  
 用長客隱下果同罪  
 一本甲有客戶每晚住宿之人俱要查明登簿如有虛匿器械并無貨物行李歇脚  
 者立即密查不許留歇如踪跡可疑一面團拿飛送究辦  
 一定其後發亦夜行如有生難急病請穩延醫者許甲長驗明給收夜行牌方准放  
 行回則將牌繳如有假捏計押者次日指名稟報以憑查究甲長容隱併罪  
 一本縣信載傳到該甲長保正即率伍壯依限飛馳報信統許處所務集開遣  
 敢有延悞處死不貸  
 一甲長凡奉行稽查務派備習家演一切保甲公事敢有借端勒索分文擾害甲戶  
 伍壯者交拿究追給仍倍罰不貸

此係牌背文

保甲十家長

保用部



保甲稽查

其稽查之法十家長置一日稽簿每日將暮執簿向所管十家問今日男子有無往何處去如此夜不歸問宿于何處須註簿以備查考若常出不歸宿處非其親友恐係交通匪類賭博爲非尤宜察其平素爲人及近日行止如何細加盤詰言語支離卽報知保正詳行稽察旣問家中便問外來今日有無男子婦人到汝家係是何人如此夜留宿必問明不去之由亦註簿以便存查若連宿不去或常有人往來語音不對面生可疑卽細加盤詰并訊鄰佑不

能明晰卽拘留其人報知保正凡報單須用白紙一幅十家長某人將所報緣由云云寫明送知保正庶免保正日後以未報推諉保正聞報卽同十家長親至其家查問酌量事情輕重應報官者卽行報官如在外歇宿果非匪類之家亦無賭博交通實跡係本戶人着戶長認保係戶長着本戶人認保若甲戶留宿往來之人查係遠方親友有傍人識認官保卽令識認人具保日後事發戶長保人並究仍卽註簿爲據方免報官若二者俱有可疑又無認保卽行報官究治如此稽察惟嚴則後人知儆而出外不歸



以及往來留住之人。首少矣。其城廂內外及集鎮通衢宿歇往來客商坊店。每坊店各置循環日報簿二扇。每日留歇客商俱要逐起。明白登記。某日住宿行客共幾起。一起或南來北來客商若干人。從何處來。何處去。有無弓箭。幾副箭。上係何等字樣。有無烏鎗腰刀若干杆。杆口馬若干匹。驢騾若干頭。是何貨物。共若干馱。若干車。第二起詳列如前。日暮時。該十家長及保正。俱要逐店坊親查。比對所填日報簿。是否相同。如查對相同。十家長及保正。子本起上各用一查對。同訖。小戳。若止騎馬帶械。而無行李貨物。

及無所偏。長行驢騾脚夫之人。一槩不許留住。若恃強要住。出言不遜。驗其字箭。有無不真。并踪跡可疑。十家長不。正即齊集莊頭。及該保壯丁。拘留飛報本縣。以憑拿究。其單身無行李之人。又無人識認。亦不得留住。若店坊所有住客。隱漏不填。日報。日後發覺。查出經宿之處。該店坊及十家長保正一體重究。其有店坊之處。每晚起更時。鳴金禁夜。一應客商俱候晨雞三唱。天明開店放行。如坊店不遵。十家長保正查出稟官究治。其日報簿。簿面註明某城廂或某鄉某集鎮客店。某字日報簿內頁註明某城廂。



或某鄉第幾保第幾甲第幾戶客店生理某人十家長某人保至某人每月初一日起填循字簿至十四日止投縣存查十五日起填環字簿至三十日止投縣存查如有不遵投繳該承查出稟究至菴觀寺院不許容留單身及騎馬帶械面生可疑之人住宿查出重究其保甲稽察之法大約備于此矣若夫分別勤惰以爲勸懲又詳具賞罰之條云○凡空野荒祠古廟久無香火每有盜賊于此齊進分駐宜將大門塞砌僅上留方隙可置爐炷香而已亦禁絕盜踪之一端也

### 造保甲冊

夫愚之所謂保甲冊與平常州縣所造煙戶冊稍有不同何也平常煙戶冊止照鄉莊開列戶口以備有事之稽查愚所謂保甲冊悉載城鄉保甲之數以暨十家保正長伍壯等姓名以詳始事之編擇而無事之防弭與有事之救禦咸于是取資焉故保甲既編而保甲冊不得獨緩也其事專責在保長協理在集鎮村長莊頭等無論城鄉卽照所編保甲挨次填寫務期編之法與造冊之法兩相符合至于前有總而後有散無遺無舛則得之矣其冊如東鄉



保甲冊前頁敘明東鄉計共若干保十家長計共若干名  
保正計共若干名人戶計共若干甲實共若干家其編造  
所委鎮集長莊頭保長頁下截開列保長某人如鎮卽開  
鎮長某人同編造集村莊仿此次頁第一行開寫某縣某  
鄉第一保二行格上開寫第一甲格內寫一戶某云云自  
一戶以至十一戶某戶擇爲甲長卽于格上書十家長三  
字目一甲以至十甲某戶擇爲保正卽于格上書保正二  
字如一保之內選某戶有伍壯卽于格上書出伍長某人  
由壯下某人字樣其保長亦挨甲均編如十家長保正不

列于十家之內亦于格上書不鄉保長字樣挨保寫完尙  
有零甲于格行內書以下疇零甲仍開幾甲尙有零戶于  
格內書以下疇零幾戶一鎮一集編完于格內書以上係  
某鎮某集計共若干保零若干甲若干戶餘仿此如附近  
散莊合保者亦照前挨次開寫某保某甲如有零戶仍照  
前開幾戶後行仍書以上某莊計共若干甲零若干戶如  
前莊某保二甲止後莊卽接某保三甲起餘仿此如疇  
零莊統于某保者亦照式挨造本保之後後行仍書某莊  
計共若干戶餘仿此如此開造則保甲分明十家保正長



伍壯丁等記載井井而各庄村人戶之數又犁然不紊可  
一展册而無不盡在目中矣保甲册式附

保甲册式 本鄉保甲人戶多一本不能造完或  
二本三本但于册面寫明第幾本

某州  
某縣造完

本 第

某鄉保甲册

某鄉保甲册係保甲册

某鄉保甲册係保甲册

某鄉保甲册係保甲册

又本鄉保甲册  
鄉保甲册  
保甲册  
保甲册

監生若干名  
僧徒若干名  
尼姑若干名  
武生員若干名  
道觀若干名  
道徒若干名

色養人起至某止若干名  
壯丁某人起至某人止若干名  
保正某人起至某人止若干名

用長某人起至某人止若干名

某年某月  
日編造某鄉保甲册

一全編造某處鄉約  
某處地方  
某鎮鎮長

某集集長  
某村村長  
某莊莊頭







早係用崎零

戸共 翁

戸共 翁

呈係鎮 葉利

編第一係共計百十戸

崎零共三用計十二戸

崎零共三戸

實共二用計百十戸

實共男十若名 女八若名口

幼男若名 幼女若名口

如附近管係葉利各爲 係共總計於編式列左

籠保

第一戸 翁

第二戸 翁

已崎零 翁

戸共 翁

已上係葉

編籠保三用計十二戸

崎零共三戸 實共十戸

實共男十若名 女八若名口

幼男若名 幼女若名口

第一戸 翁

第二戸 翁

後註村亦照用編如有崎零葉利本係共總計於編式列左



簡驗壯丁

夫有保甲而無壯丁。則詰奸禦侮。未能執途人而用之也。若一旦有警。召集耕農。非老弱。惟怯。則手不習兵。安能擒盜賊而資防守乎。說者謂少年強悍。嫻以武事。恐滋亂階。不知今日坐食租糧。驕兵悍卒。天下幾千萬。獨不虞其脫巾呼噪者。恃有朝廷之法。主將之恩。威有以制伏之也。今州邑所簡壯丁。祇用以自衛其家。及助防鄉里。有事則持挺而拒暴。無事則秉耒而服疇。有何蜂蠆狼毒。吮血磨牙之橫乎。况下則有約束時勤之保正。上則有禁令惟嚴

之官長。雖有不逞之心。方將盜賊。是稱奸究。是察彼亦何自而騁哉。愚惟所慮者。鄉鄙小民。不諳軍旅。以之防守。則多疎以之捍禦。則多怯耳。至于患生亂階。舍堦。整豹虎之兵。而不之懼。乃鯁鯁然于隴畝。襁之子。以為憂。不亦操末而忘其本哉。其簡之之法。以州邑之大小。定壯丁之多寡。莊村多而人戶眾。則壯丁之簡拔亦多。莊村寡而人戶少。則壯丁之簡拔亦寡。姑以中縣計之。一邑四鄉。約得莊村四百處。哀多益寡。每莊約戶五十。紳衿胥役。去其一。餘寡孤獨。去其一。貧困老疾。去其一。僅得出兵者。二十戶以



每鄉百莊計之得五千戶每千戶得出丁之戶四百是五千戶得出丁之戶二千以戶出一丁計之每鄉則出了二千名矣以四鄉計之是共出了八千名矣以一保計之百家出丁四十所出壯丁預行嚴飭該保正十家長務擇年力精壯有胆技者充之每鄉各保合造壯丁姓名年貌籍貫習何器械點冊投遞候本縣定期赴鄉點查該保正十家長帶領壯丁聽點如臨點壯丁不到立拿究責點時四十丁內汰去年力不充並不諳器械者十名止留三十名手三十名中又擇其年力尤壯胆技超眾者五名爲之伍

長每伍長各統壯丁五人其壯丁之結束器械及訓練之事皆伍長經理之其勤惰及違奉法令皆伍長察舉之所汰十丁註冊存爲餘丁候正丁遇有開除補其空缺由此計之每鄉一千戶所出四百丁汰去一百丁僅得三百丁合一鄉五千戶止出正丁一千五百名內除二百五十名爲伍長止得壯丁一千二百五十名合四鄉除伍長一千名實共壯丁伍千名又以保計之每保伍長五名壯丁二十五名共三十名合一鄉一千五百名是一鄉五十保四鄉共得二百保矣以二百保得伍長壯丁六千名至于城



中四關廂計之。哀多益寡。城中少亦二百家。得二保共伍壯六十人。四關廂少亦三百家。得三保共伍壯九十人。以城廂合計之。共得伍壯一百五十人。合計城廂四鄉總共伍壯六千一百五十人。此中縣大略之數也。不儼然一重鎮。所統乎凡壯丁伍長保正長等。既膺逃盜專責。其一應門夫。襍自應除。免宜于設行保甲。告示即先叙明于選左保正長之時。即給與優免印票。以示優異。今于簡拔壯丁時。須將優免印票。即于點定之後。面填姓名。當案發給。使彼欣然有壯丁之榮。則小民樂于見用矣。點選畢。該

保正照本縣所點用花名造冊。詳開某縣某鄉第幾保保正某人。領下某伍伍長某人。壯丁某某人。逐伍挨造。每名下仍註明年貌籍貫所用器械。一保造完。挨造次保本鄉各保造完二本。送保長查閱。無有遺錯。并具各保正長并無遺漏舛錯。連名甘結。併冊投遞。以憑定期點閱。其花名冊一印。發該房存案。一留內署備查。投冊之後。即宜行稟曉諭。該保長其伍長壯丁。須各備行綿撞帽一頂。上綴號帶。傍垂遮耳護項。內綴兜頭帽繩。身置重綿。疊布密行齊腰軟甲一領。腰間繫褲處。要做布搭包。纏緊免致褲腰鬆。



脫脚行桶窄箭齊膝布襪一雙將帶縫于襪上以便繫束  
可脚深臉翁鞋一雙亦將束帶縫上其帽甲各按方色爲  
之東鄉伍壯帽甲俱青色南鄉伍壯帽甲俱赤色西鄉伍  
壯帽甲俱白色北鄉伍壯帽甲俱黑色城廂伍壯帽甲俱  
福士黃色不敢用正黃避之也其器械俱要鮮明鋒利如  
弓要新弦箭要翎簇整利鎗要好桿銃要火藥響快壯丁  
帽上號帶一根用雙層白布濶二指長齊帽口甲上左胸  
縫白布一塊長三寸濶二寸俱上書某縣某鄉第幾保壯  
丁某人其伍長帽上綴紅絨纓一穗所以別壯丁號帶上

所書與壯丁同但換伍長名目耳保正長帽甲色式俱同  
其套甲內衣悉從其便但須短窄便于行動保正帽前綴  
一磨鐵光圓錢甲上胷左右各綴一磨鐵光日月鏡以別  
伍壯保長帽前綴一磨鐵光珠外繞火鎗甲上胷前後各  
綴一磨鐵光掩鏡以別保正其壯丁服械俱伍長督造保  
正查驗伍長服械俱保正督造查驗保正服械俱保長督  
造查驗保長服械聽自行如式辦造俱限十日內備齊各  
伍長俱遵票造驗齊備具結投報保正各保正照式具結  
投報保長該鄉保長卽定期逐保查驗具結報縣以憑本



縣定期親詣四鄉點驗。于點驗先十日行稟。該保長除城廂壯丁就近定期點驗外。各鄉壯丁住居寫遠。若聚點一處。恐彼飯食不便。且須守候半日。莫若分作數處。于各保相近之地。擇空濶處所點驗。每保正按方色置一旗。長五尺。濶三尺。五寸。杆長一丈二尺。上綴黑纓。或染黑絲。蘇爲髦頭。旗上直大書某縣某鄉第幾保字樣。保正率領伍壯挨保排列道左。每保相去十步。或五步。保正在前執旗者。立于保正左側第一伍伍長。領伍壯丁排列。第二伍以至五伍亦如之。俟本縣馬將至。保長去保正等前十步打恭。

迎接本縣舉手保正去伍壯前五步跪迎。本縣舉手保正起打恭執旗者仍前站立不動。伍壯等跪迎。俟本縣馬過畢方起。場上南向設公座。桌案設隨帶硃墨筆硯。俟本縣陞座。保長立于左班之上。各保正率領伍壯左班順保挨列。保正居前執旗。立保正左側。伍長五人排列。保正之後。壯丁二十五人排列。各伍長之後。行列要整齊。不許參差。禁止喧譁。不許說話作聲。以軍容最宜嚴肅也。各保排列既畢。保長向案前打恭稟點驗。該房呈壯丁花名冊于案上。高唱某鄉第一保聽點。先喚保正某人。保正行至中。



間立旗隨亦至本縣驗訖行過右邊照式排列各保點完  
該房高唱各保伍長壯丁向前聽諭各保正領旗順排向  
前伍壯等各隨旗排跪聽諭諭見後諭畢保正稟覆各保保  
正伍壯等悉遵鈞諭遂起先于本縣去處照前排列道左  
如式送畢保正捲旗率領伍壯整肅而還仍不得喧嘩奔  
走以象亂軍卽點驗城廂伍壯亦如前儀式其稟諭先行  
保長保長卽抄傳各保正保正抄傳各伍長伍長抄傳各  
壯丁使其明白了然保正長先期演習嫻熟免致臨時忙  
錯本縣點驗時須驗其年貌籍貫與所用兵器與冊同

否卽驗其所戴撞帽面錢軟甲冒左右日月掩鏡并號帶  
上姓名保號所穿鞋襪及所持器械各保旗上標寫字樣  
方色俱不差本縣用硃筆于名上點訖過右邊照式排列  
如有服制違式器械不鮮利本壯丁記責伍長保正俱記  
責保長記罰以今日點驗之始不便加刑也宜嚴諭之限  
五日速改正完備伍保帶縣再驗其記責之壯丁卽書明  
于本名下以便回縣行稟保正催改赴驗各保點完遂令  
保正率領伍壯前跪聽諭其諭豫先作就令該房高聲宣  
讀讀曰保甲之設爰爲爾民防戢盜逃盤詰奸宄簡爾壯



丁用資守禦。堅爾衣甲。利爾戈矛。以護爾身。以殲匪類。見賊必擒。聞警必援。有調必集。毋生怠玩。功則立賞。罪則立罰。伍保正長代縣司教。爾等宜遵。不可違拘。朝廷有法。官長有刑。出為義勇。入循孝悌。永保鄉邦。太平萬世。宣畢保正等謝起。先于道左。照式排列。而送保長先馳。彼處迎接。點驗。宣諭。候送。悉如前儀。蓋于壯丁。必其衣械行列之整齊者。非欲費民財。并示已威也。夫彼鄉曲耕農塗首。跣足慣矣。使一旦服敝衣。執朽器。而即戎。不惟有褻觀瞻。亦且防其戕害。况伍壯甫充。既有免差之恤。而苟爭先擒

賊。赴援有功。又加格外之賞乎。以為保甲果行。境內之匪類格心。鄰邦之無良。畏足。所謂兵雖設而不用。又何壯丁之為勞擾哉。

訓練伍壯

夫兵不訓練。所謂驅市民而野戰。不惟難以取勝。且多自傷。如伍壯皆鄉民也。彼更何有進退坐作之節。步伐止齊之令乎。然欲加之訓習。恐妨農務。且嘗資無資。而縣官日執筆于簿書。迄靡寧晷。說者謂剽劫之盜。不過數三醜類。率是壯丁可以坐縛。又何煩于教練耶。雖然。無事常為有。



事之防古盛王之世不因承平而廢兵聞之明熹末之末  
海上倭襲七八衝殺江南州縣千餘里無有堵禦之者詎  
無兵哉素失訓練利敵不振之故也夫以鄉人擒盜鄉人  
之怯膽而當盜之死命未有不披靡敗走者然則有田而  
不耕謂之棄地有壯丁而不訓謂之棄民田且不可棄而  
況于民乎鴻曩在鄒地當山左江南環介八州邑密邇三  
十六寨之撫民爲盜賊淵藪其他鄰壤剽劫之事無日不  
聞而惟鄒爲安土所賴有素練之壯丁也彼宵小者聞風  
裹足且相戒不入鴻每昏夜遊巡遠徂百里而居民醜睡

杳無人跡謂非保甲之嚴伍壯勇敢之效哉然所謂訓練  
者豈若大將軍教以戰陣攻圍奇正虛實之用乎亦惟豐  
隙委之保正試以技擊及滌場之後縣宰一合閱其衆而  
已雖事同嬉戲然猶愈于已乎云爾故敢並述之以博

高明一噓

各保正手本保伍壯平日所用兵器試其果否精熟如止  
備數不足禦侮須令延請明師從其學習務期弓箭如何  
入穀貫革三眼烏銃如何制藥如何命中長鎗如何擗大  
刀如何舞與夫叉耙劍戟之類如何入妙或本保或鄰保



宜相講究演習。若果有熟慣精好者，許保正開報以憑親  
驗。獎賞如懶惰不習器械生疎者，本縣不時單騎親臨挑  
試。該伍壯重責保正以督率不力並究。○每歲夏三月天  
暑農忙，免其演試。其餘三時每月一次。該保正但于農暇  
先日傳知伍壯。于次日演試技藝。或本保或連合鄰保于  
空濶去處，弓箭立把分偶而射。三眼鳥銃立板畫圈分偶  
而放。矢要中的，彈要中圈。火藥要快，其餘鎗刀等件俱要  
精熟。該保正須置一簿名曰演習簿，將本月日伍壯某人  
箭中幾矢，銃中幾放鎗刀某生某熟俱定為上中下三等。

再至下次演試何如若三試皆下等，該保正彙單指名報  
縣以憑親驗示罰。如保正徇庇不舉一體重究。演試日伍  
壯等俱不許飲酒爭鬪生事。輕則保正戒飭重則稟官究  
懲。○每于春冬民事閒暇，自備饌糧兼携錢酒詣鄉傳集  
伍壯比藝。嫻熟者記簿賞錢，飲酒次之。飲酒無錢再次之。  
免責罰。跪俟飲者飲畢乃起。優者多保正亦飲以酒記功。  
劣者多保正罰錢若干記簿留充後試之賞。  
每歲九月霜降日，城鄉全保伍壯大操。是日黎明本縣放  
號砲一聲，各保正長俱戎服率領伍壯俱到教場日出時





放號砲一聲各保長率領保正統本保伍壯分列左右兩  
行左東中北右南西各相去五步離演武廳十步保正按  
方色建一長旛上書某縣某保其旛垂展命一親信有力  
之人執于左側其旛號各保標定記號不可相同或飛禽  
走獸之類旛邊異色殊形之類雖屬操演原非實用然兵  
制不可紊也保正之後列五伍長伍長之後列本伍壯丁  
俱各去二步排列整齊正巳刻放號砲一聲本縣吉服乘  
輿將至教場放砲一聲五保長出教場口排班打恭迎接  
本縣舉手輿從中道至演武廳下輿陞座五保長行庭參

稟叩免站立兩傍各保正離隊伍進廳下行四叩禮畢順  
保長下兩行排列兵房設祭品猪羊酒樽香案齊備放砲  
一聲稟請本縣祭旗禱神吹手舉樂本縣起座下廳步至  
旗臺鋪瓊就主祭位五保長排二班各保正按方色在保  
長後相地勢寬窄或兩班或三班排列齊畢禮生唱禮兵  
房陞旗三獻畢行四拜禮保長正等隨行四拜禮畢放砲  
一聲本縣還廳陞座保正等各歸隊伍五保長進前稟  
開操本縣諭以城廂保長爲中軍主將東鄉保長爲左軍  
將西鄉保長爲右軍將南鄉保長爲前軍將北鄉保長爲



後軍將各保正爲偏裨將五保長聲諾而退自是而後各  
軍止聽中軍主將號令不復知有縣主矣先是中軍主將  
除本隊黃旗外另置青白紅皂方旗四面杆聽用五保長  
預各置一杆上作纛式下各按方色置一斜角小旗縛杆  
首爲表其時中軍立表于教場居中左軍立表于左前與  
南軍對右軍立表于右後與北軍對南軍立表于右前與  
左軍對各表相去中軍表二十步是爲五軍相生而立五  
表旣立中軍主將領旗率偏裨伍壯至中軍表下主將前  
立大旗捲而豎側四方旗俱捲不豎中軍設巡警司二人

司旗者五人司鼓者一人扛鼓者二人司鉦者一人吹角  
者一人至是吹角一聲絕嚴鼓徐徐四軍將各領偏裨伍  
壯各依表照式立鼓聲絕吹角一聲四軍將率領偏裨詣  
中軍主將前聽令主將立而誓曰目視旌旗耳聽鼓角應  
進而進應退而退應左而左應右而右心存號令毋許喧  
譁毋得亂伍制勝賞功不用命者國有常刑各宜加勉四  
將及偏裨聲諾而退嚴鼓一通將裨各歸本隊吹角一聲  
主將令巡警司二人各執刁斗一人由左而右一人由右  
而左五軍聞角聲皆坐器械旗幟俱偃臥待巡警者歸隊



吹角一聲五軍皆起舉械展旗嚴鼓一通中軍衆離表前行約十步止司表者五表皆拔中軍吹角一聲南軍爲前鋒移隊在中軍前擺開左右軍在中軍左右分兩翼擺開北軍在中軍後擺開各相去中軍十步要擺列停勻勿得稀密參差軍容不整便不足觀左軍分五保于左方高阜處札住右軍分五保于右方高阜處札住爲左右游哨游哨須預先派定勿致臨時忙亂教場無高阜處不過離大軍各二十步耳各軍擺列要快而不亂總之以熟練爲貴四軍擺列既定中軍主將前立吹角一聲大旗舉立五軍俱皆出服刀出

鞞架銃捺鎗中軍吹角一聲大旗前指鳴鼓前軍作戰鬪勢鼓聲急搯大旗前亞前軍戰勝前進大旗左右指左右兩翼前進與前軍合追賊約十數步中軍鳴鈺而左右軍止追執弓架銃鎗側身而還仍看中軍依原隊式立兵法所謂追不奔迸退不趨走者是也左游哨吹感菓一幡前指謂有賊從東來也中軍吹角一聲大旗前左指前軍前進作鬪勢大旗前左亞鼓聲急搯前軍戰勝前追大旗左右指左右兩翼前進與前軍合追約十數步中軍鳴鈺而左右軍止追而還仍依原隊立右遊哨吹感菓一幡前指

通系三卷 卷二十一 保甲部




謂有賊從西來也。中軍吹角指旗前左右軍鬪退止回俱  
如前式三戰既畢左右游哨俱吹威栗旗向後指謂賊從  
兩旁來攻陣也。中軍吹角一聲迴旗北指衆軍俱回身以  
前作後繞列中軍之後左右兩軍亦迴身看中軍大旗前  
指中軍衆前進作鬪勢青白兩旗招動左右兩軍向前合  
圍紅皂兩旗招動北軍分兩翼南軍亦分兩翼俱與左右  
兩軍合圍作一圓陣俱向圍內作鬪勢以困賊在中也。中  
軍旌摩動鼓聲急播五軍漸鬪漸近作賊敗勢各約離十  
步許中軍鳴鈺各軍止鬪側身退還本隊左右游哨俱各

還本隊吹角一聲各軍捲旗弓入鞘鎗械不舉吹  
角一聲各隊偃旗臥械皆坐息片頃中軍吹角一聲各隊  
軍執旗械皆起中軍移隊居中南向四軍左東北兩軍右  
南西兩軍對列各相去五步吹角一聲四軍將領偏裨諸  
中軍主將報功罪有功者記賞簿有罪者記罰簿吹角一  
聲各保各散集一處候本縣示下許喧譁趨中軍主將  
領四軍將并偏裨依班次告操畢行禮免本縣預備操宴  
四席在演武廳擺設待營官儒學僚佐猪三口酒三壘備  
葦蓆矮桌賜保長保正等每伍長另賞肉八兩酒一斤壯



丁賞肉六兩酒一斤人多恐散不週以錢代本縣諭保長等伍壯中有技藝可試者聽其當場演試嫻熟超眾者賞給銀牌演畢起席放砲三聲本縣營官等俱回署各保長正伍壯等散歸○夫操演之事雖近于戲然使鄉人知軍容之整紀律之嚴而戢其頑魯獷悍之氣知尊卑之序揖讓之儀而生其敬謹謙退之心于武備而修其文教未必無小補也至於操演之要節止在各隊認定本將之旗任其離合總視本旗所以不致于亂伍擺列隊伍前後左右止看中軍站隊之處相去十步擺列自勻所以不致于參



差視旗之指亞而前進聽鼓之急演而奮戰鉦之鳴擊而却止其吹角乃軍中之節奏最要記明第一次吹角為某事第二次吹角為某事則不致于前後失序也操演尙有方圓曲直之陣奇正合散之隊恐其繁多難記只就此大略訓之保長正伍壯等宜各抄一張仔細記玩于先期私演嫻熟方可下操不論人多寡只分五軍依式訓練無不

一四軍依表立第二聽令三巡警四起拔表五擺隊  
六舉大旗開械凜七前八左九右戰十次迴身合圍擊十  
台軍捲旗械十二徑坐息少頃十三移隊傍中軍十四  
十五頂各保散集編

此是角聲須記准

保甲部



